

沈雲龍教授主編

近代中國史料叢刊

第二十六輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第二十六輯

目錄

劉忠誠公(坤一)遺集

首卷
奏疏

歐陽輔之編

劉忠誠公(坤一)遺集

奏疏

歐陽輔之編

劉忠誠公(坤一)遺集

公牘
書牘

歐陽輔之編

劉忠誠公(坤一)遺集

書牘

歐陽輔之編

劉忠誠公(坤一)遺集

電奏

歐陽輔之編

劉忠誠公(坤一)遺集

電信

歐陽輔之編

劉忠誠公(坤一)遺集

文集

歐陽輔之編

劉忠誠公(坤一)遺集

詩集

歐陽輔之編

劉忠誠公(坤一)遺集

聯語

歐陽輔之編

殷譜經侍郎自叙年譜

殷兆鏞撰

Handwritten signature

劉忠誠公
遺集首卷

宣統元年己酉
九月開雕

劉忠誠公遺集卷首目錄

上諭 二道

諭賜祭文

諭賜入祀賢良祠祭文

御製碑文

國史本傳

工部請給碑葬銀兩疏

護理兩江總督代遞遺摺疏

署理兩江總督查明子嗣具陳疏

署理兩江總督查明事蹟疏

神道碑銘

墓誌銘

光緒二十八年九月初六日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨兩江總督
劉坤一秉性公忠才猷宏遠由諸生起家軍旅屢建功勳洊
歷封圻克勤厥職簡授兩江總督兼充南洋大臣十餘年來
鎮撫地方軍民愛戴辦理交涉悉協機宜前年近畿之亂該
督保障東南匡扶大局厥功尤著老成碩望實爲國家柱石
之臣前因患病疊次賞假並頒給人參藉資調理方冀早得
就痊長膺倚任遽聞溘逝震悼良深劉坤一著加恩追封一
等男爵晉贈太傅照總督例賜卹賞銀三千兩治喪由江甯

藩庫給發賜祭一壇派署江甯將軍額勒春前往致祭予諡
忠誠入祀京師賢良祠並於江甯省城湖南原籍及立功省
分建立專祠生平事蹟宣付國史館任內一切處分悉予開
復應得卹典該衙門察例具奏靈柩回籍時沿途地方官妥
爲照料該督子孫幾人著張之洞迅速查明具奏候旨施恩
用示篤念蓋臣之至意欽此

光緒二十八年十一月初十日內閣奉

上諭張之洞奏遵旨查明督臣子嗣一摺已故兩江總督劉坤一之子候選道劉能紀加恩著以四品京堂候補伊孫一品廕生劉思銓著以郎中用候選同知劉思錡著以知府用劉思鏐劉思鈺均著以主事用以示篤念蓋臣有加無已之至意欽此

諭賜祭文

朕惟宣力封疆臣子篤匪躬之誼加恩者碩朝廷深念舊之情矧於國家有大勦勞則宜存歿備隆典禮爰宣溫綍用薦嘉馨爾贈太傅追封一等男原任兩江總督劉坤一才優幹濟性秉忠貞始以諸生起參戎幕倦而投筆激昂饒定遠之風寢則枕戈慷慨懷越石之志出奇始從桑梓轉戰卒掃欃槍爰在

先朝已崇顯秩陳臬而稱標明允開藩而烈懋旬宣遂因最績之書聿荷撫軍之重朕纂承大統擢任兼圻宦轍所經仁風斯扇初踰嶺嶠粵東西民困咸蘇再鎮金陵江左右頌聲不輟

東鄰挑釁亞夫則細柳曾屯南國言旋召伯之甘棠重樹及
強鄰交鬪孽燄方纏雪涕烽煙時欲提師北向運籌帷幄卒
能遏敵南侵凡茲保境安民具見深心大力既而天方悔禍
日幸再中正已墜之綱維憂勞宵旰翊重新之運會恃賴魁
者不圖溘露悽然騎箕遽告遺章省覽隕涕漣洏是用贈太
傅之崇階錫男邦之顯爵祀賢良以永譽考行實而易名彌
眷忠勤載申祭奠於戲時方多難鼓鼙深將帥之思典重酬
庸拒鬯薦馨香之味靈其不泯尙克歆承

諭賜入祀賢良祠祭文

朕惟兼圻宣力樹偉烈於旂常懋典酬庸肅明禋於俎豆矧
艱難之克濟宜褒卹之頻加言眷隆勳用崇秩祀爾贈太傅
追封一等男原任兩江總督劉坤一才優幹濟志勵忠純投
筆而事戎軒文通武達陳臬而臨邊圉吏畏民懷暫縮藩條
旋膺疆寄昇之鎖鑰嶺南宣總制之勤移爾節旄江左竭拊
循之力極聲名之所屆婦孺能知最操縱之得宜華洋錯處
會以氛纏畿輔釁起鄰邦爰總防軍迅臨邊徼氛甚惡步
不越乎雷池和議卒成兵罷屯於細柳乃元戎還返幾閱星
霜而國步艱虞再驚烽火歛歛北望阻遏南侵卒能消兵氣

之侵陵免生靈之塗炭邦家有慶景運重光正資一个之臣
以繫四方之望遽聞淪喪良用盡傷載省遺章鑒垂危之忠
惻式稽彝典宜予祀於賢良爰詔詞官垂諸廟食於戲巨川
其濟念耆臣舟楫之勞元祀以功食累葉馨香之報靈其不
泯尙克歆承

御製碑文

朕惟才不虛生奮起際風雲之會國有與立匡扶資柱石之
臣其有因時而樹功名歷久益懷忠盡存則深堪倚畀歿宜
備極榮哀爰賁綸章用光琬玉爾贈太傅追封一等男原任
兩江總督劉坤一才猷卓越志慮忠純投筆從軍拔由鬢序
揮刀殺賊厲彼戎行韜略素嫻聲威遂盛極爾日馳驅之瘁
荷

先皇特達之知甫靖寇氛遂崇職任明刑著績旋縮藩條布政宣
猷卽膺疆寄逮藐躬之踐阼稟

慈訓以庸賢言眷老成眞除總制初踰五嶺鎖鑰原重萊公再莅

兩江婦孺咸知司馬通商任重調合華夷防海軍嚴運紆籌
策會以東鄰構釁俾從關外總師遏敵騎之內侵恃老罷之
當道乃和親重結匈奴不患漢邊而民望是從寇恂仍返河
內益勤職事不懈初終爾其旌武略而勇號曾膺獎成勞而
宮銜累晉翱翔紫禁騎策五花飄颺翠翎光生疊彩感疾則
旋頒上藥慰留而卽斷來章凡茲異數之頻加實稱元功而
不忝膺兼圻之委寄值事變之倉皇消弭兵戎開陳大信朕
軫懷外患眷念舊人緬懷多難之秋楚材傑出歷數中興之
佐魯殿猶存謂一老之懋遺庶四方其底定乃六飛旋馭甫
瞻皇路之平何五丈悲秋俄見大星之隕遺章遽告震悼何

窮是用追念前勲爵躋五等景懷懿德秩晉三公神京祀賢
良之祠廟食則東南且徧史館立大臣之傳勛名則久遠長
存治喪令少府頒金賜奠遣重臣執爵錫之令諡是曰忠誠
忠以盡瘁爲言鞠躬無慚葛相誠以勿欺爲本墮行彌懷遠
卿攷典易名鐫詞崇實於戲芳猷垂後視馬鬣之崇封遺愛
在民望羊碑而墮淚爰旌偉伐用勸勞臣

先音

一

國史本傳

劉坤一湖南新甯人咸豐五年粵逆竄擾湖南坤一以廩生領團練從官軍克復茶陵郴桂宜章等城敘功以教諭遇缺卽選六年從道員劉長佑軍援江西時臨袁撫建各郡皆爲寇據楚軍旣克萍鄉賊連營蘆溪宣風鎮來拒四月劉長佑令坤一進戰皆破之五月偪袁州而軍城賊出戰爲坤一所敗湖南巡撫駱秉章奏保以知縣歸部卽選並

賞加同知銜時袁州賊勢尙盛相持久不下坤一密招降僞侍衛李能通在賊中負重名於是降者相繼守將何益發夜開

西門以納我師坤一督楚勇先入據之遂復袁州奉

旨以直隸州知州卽選並

賞戴花翎七年從克臨江府城奉

旨以知府選用

賞加道銜八年劉長佑以病歸路秉章飭坤一暫領其眾偕道員

蕭啟江渡贛而東規撫州克崇仁敗援賊於龍骨渡啟江
在上頓渡爲城賊所困坤一率眾往援大破之賊棄城遁
復撫州建昌府亦同時克復江西肅清奉

旨以道員歸部卽選九年逆首石達開黨眾數十萬由福建邊犯

湖南坤一奉檄回援連解永州新甯之圍

賞加鹽運使銜賊竄廣西坤一從劉長佑躡之二月復柳州

賞加按察使銜劉長佑擢撫廣西乃飭坤一統率全師勦辦柳州

餘匪兼扼石逆入湘之路十一年三月柳州悉平

賞加布政使銜進規潯州七月拔其城

命交軍機處記名遇有按察使缺出題奏並

賞給父母一品封典逆首石達開將由粵黔之交回竄川楚坤一

扼之於融縣賊死爭不得過坤一乘其惰渡港掩之賊大

潰石逆遁入黔九月授廣東按察使同治元年八月擢廣

西布政使

敕赴潯州接辦軍事逆首黃鼎鳳白道光末據貴縣咸豐閒累出

攻破郡縣戕守令官軍屢議勦撫不能下在廣西羣盜中
最爲狡悍坤一節節掃蕩駐師登龍橋當是時黃鼎鳳老
巢在平天寨四面皆山壁立萬仞立重柵以鉅礮守之其
婦女財物皆在覃塘墟距平天十餘里爲犄角高牆深濠
以抗官軍坤一陽爲欲撫黃鼎鳳也者撤軍回貴縣建醮
祀陣亡將士各路將佐咸會祭饒鼓聲聞遠近乃部署諸
將潛師夜起襲覃塘據之遂圍平天官軍以其閒拔龍巖
復橫州黃鼎鳳勢益蹙三年四月坤一遂擒黃鼎鳳與其
黨皆伏誅潯州平

賞給碩勇巴圖魯名號並下部優敘四年正月授勦思恩南甯各

屬土匪三月復永瀘縣城五月擢江西巡撫旋因洩漏

寄諭部議革職留任是時髮逆汪海洋敗遁粵之連平州復謀趨

閩邊上犯江西坤一飭按察使席寶田越境會剿並令提督黃少春赴長甯扼其竄路五年席寶田率軍入粵累戰皆捷會閩浙總督左宗棠軍殲汪海洋於嘉應州餘黨殲焉奏入以坤一調度有方

賞給頭品頂戴旋擊散崇安齋匪清江西各屬伏莽六年湖北捻匪由蘄水竄廣濟黃梅開蔓延數百里恣意焚掠距九江瑞昌僅隔一江難民紛紛東渡坤一亟調水師出江堵擊賊退因奏撥庫帑賑難民且資遣回籍未幾湖南瀏陽教

匪旁擾萬載坤一飭兵團剿平之九年八月天津教案起
坤一遵

旨密籌沿江防務十一年正月奉新縣匪徒謀逆闖入靖安縣城
討平之十三年正月江西紳士都察院左都御史胡家玉
積欠漕糧又屢貽坤一書干預地方事坤一不以

聞爲給事中邊寶泉所劾部議降三級調用

加恩改爲革職留任並降三品頂戴尋奉

恩旨開復十二月

命署兩江總督兼署通商大臣光緒元年八月擢兩廣總督廣東
號富穰庫儲寶空出入恆不相抵議者請加鹽釐及洋藥

稅坤一以粵鹽困於私梟驟議加釐則官引愈滯於是添雇輪船嚴緝私販又恐鹽梟鋌險乃援康雍閒成案官籌成本收買餘鹽發商領運官民交便廣東洋藥釐省城與外埠輕重不同坤一始令各口悉一律抽收無加稅之名而歲增鉅萬廣東吏治久疲坤一以整飭之道在於久任飭藩司查令實缺人員各還本任不得輕調有應調看更動者悉遵部章不逾十分之一粵素多盜賭風尤甚坤一以賭爲盜源一切嚴禁各州縣水陸緝捕各營分定地段以專責成以故盜發輒獲二年八月兼管粵海關監督五年正月兼署廣東巡撫二月請將已故藩司楊慶麟事蹟

宣付史館立傳並請

予諡以所請不合下部議降二級留任十一月請開缺養親

予假兩月調補兩江總督兼通商大臣六年正月大學士直隸總督李鴻章奏飭籌議海防坤一請由粵省自造蚊子輪船用守各口可以操縱自如

從之三月俄人交還伊犁藉端要挾

命將防務悉心經理以備不虞坤一奏曰我

朝定鼎以後與俄從未交兵俄爲封豕長蛇久矣志圖薦食
并強爲我勁敵地廣與我毗連必須策出萬全不可輕於
一試陝甘有左宗棠及劉錦棠直隸山西有李鴻章曾國

荃自足支柱惟東三省係我

朝龍興之地向爲俄人垂涎如有侵軼之虞未審左宗棠李鴻章等能否兼顧及三省境內有無久經戰陣之宿將勁旅緩急可恃以自固此則大局之亟宜綢繆者夫兵之強弱視將之勇怯亦視將將者能否識拔真才臣愚以爲現在西北沿邊將軍督撫宜用親歷戎行膽識並茂之員以期折衝禦侮儒臣不諳武備資望無濟時艱誠恐貽誤於萬一也至西北旣須戒嚴則東南不可復生波折日本於琉球之事似須設法彌縫毋使乘閒蹈瑕與俄合而謀我前福建巡撫丁日昌謂宜責日本不能字小之義以示大

公而激眾怒而於滅我藩服不必苦爭俾易轉圜所言亦未始無見日本終爲我患令人每飯不忘第目前不可遽啟釁端以免受其牽制英法德美諸國雖於東南各口綦布星羅祇求傳教通商別無覬覦之意卽遇事不免刁狡亦在地方官撫馭有方臣與諸國交涉多年頗能知其委曲目前決不至有決裂上貽

宵旰之憂況英德等國與俄猜忌日深必不願俄逞志於我其應如何結爲聲援以伺俄人之後使之不敢併力東向
廟謨廣運自己神而明之四月入

觀

賜紫禁城內騎馬九年法越構釁邊事戒嚴坤一奏言越南爲中國外藩本應保護如法之於西班牙英之於比利時以其鄰近極力維持況中國之於越南乎越南前有李揚才之亂法人尙無一矢相加今忽以捕盜爲詞狡焉思啟其如萬國公法何雲南非通商口岸難任覬覦尤應據約與爭酌派兵船游弋越南洋面以壯聲威並由廣東廣西遴派明幹文武大員統帶勁旅出關駐紮諒山省等處以助剿土匪爲名密與越南君臣共籌防法之策前此粵兵常駐關外似不致遽啟釁端並囑越南以收降將劉永福之法招太原宣光等處黑旗賊眾以免爲法人誘爲前驅雲南

亦卽據險設奇以資掎角法人知我有備則其謀自阻矣
雲南所擬加重越貨稅餉竊謂決不可行法人如得入滇
通商自必循照沿海各口稅則及子口單照辦法加重之
稅餉祇可行之於越人未必能行之於法人並恐越人因
稅餉加重轉思暗嗾法人入滇通商得以依託假冒如沿
海各口奸商故智不可不慮越南前與法國立約受虧諸
事被其箝制現在中國派兵暗爲聲援越人倚以爲重當
不至如前之畏法一味聽從如果與法別立新約中國縱
不能禁亦應囑其慎重圖維或卽指示機宜免致一誤再
誤既有輔車之誼自無越俎之嫌將來越南卽有要求操

縱仍然在我夫以越南積弱法人視之蔑如若不早爲扶持覆亡可以立待滇粵藩籬盡失將有偏處之虞此等情形已荷

聖明洞鑒與其補救於後曷若慎防於先此又不可不明目張膽而爲之左提右挈者也疏入先後報

聞十二年丁繼母憂十六年仍授兩江總督兼通商大臣十七年命幫辦海軍事務十八年修築鎮江都天廟金山寺焦象兩山礮臺竣工坤一親往勘視二十年正月

孝欽顯皇后六旬

萬壽

懿旨賞戴雙眼花翎七月署江甯將軍日本謀預朝鮮亂事敗盟
內犯提督葉志超等軍潰於平壤於是九連城鳳凰城金
州旅順悉陷

命坤一爲欽差大臣所有關內外防剿各軍均歸節制坤一疏辭
上諭劉坤一奏籲懇收回成命一摺現值軍務緊要統帥需人劉
坤一從前帶兵多年威望素著是以特授爲欽差大臣該督惟
當仰體朝廷眷注之意盡心辦理用副委任毋事固辭各營將
弁如不遵調遣不受約束者卽按照軍法從事以一事權二十
二年和議成

命回兩江總督任二十三年正月